



Broj: 14-11-4-13232-16/20
Zenica, 13.11.2020.godine

Na osnovu člana 69. stav 3. i člana 70. Zakona o javnim nabavkama („Službeni glasnik BiH“ broj: 39/14), u postupku javne nabavke „Nabavka, isporuka i instalacija računarske i ostale opreme za potrebe Zeničko-dobojskog kantona“, direktor Službe za zajedničke poslove donosi:

ODLUKU o otkazivanju postupka javne nabavke

I

Postupak nabavke „Nabavka, isporuka i instalacija računarske i ostale opreme za potrebe Zeničko-dobojskog kantona“, se otkazuje u skladu sa članom 69. stav 3. Zakona o javnim nabavkama zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke

II

Nakon što se steknu potrebni uslovi, u skladu sa odredbama Zakona o javnim nabavkama, provest će se ponovljeni postupak za „Nabavku, isporuku i instalaciju računarske i ostale opreme za potrebe Zeničko-dobojskog kantona“.

III

Ova odluka objavit će se na web-stranici <http://www.zdk.ba/>, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke „Nabavka, isporuka i instalacija računarske i ostale opreme za potrebe Zeničko-dobojskog kantona“ pokrenut je donošenjem Odluke o pokretanju postupka broj: 14-11-4-13232/20 od 06.08.2020. godine.

Javna nabavka je provedena po konkurentskom zahtjevu za dostavu ponuda sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 17.100,00 KM bez PDV-a.

Dana 18.08.2020.godine objavljena je tenderska dokumentacija na portalu Agencije za javne nabavke istovremeno sa objavom Obavještenja o nabavci, pod brojem: 771-7-1-26-3-17/20.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a. Ponude su blagovremeno dostavili sljedeći ponuđači: EMADO d.o.o. Sarajevo, TIME CODE d.o.o. Sarajevo, PLAN PLUS d.o.o. Zenica i ITD d.o.o. Sarajevo.

Na osnovu preporuke Komisije, donesena je Odluka o izboru najpovoljnijeg ponuđača, broj: 14-11-4-13232-9/20 od 03.09.2020. godine, kojom je ugovor dodijeljen ponuđaču TIME CODE d.o.o. Sarajevo, kao najpovoljnijem i jedinom prihvatljivom ponuđaču.

Nakon što je pribavio mišljenje Kantonalnog pravobranilaštva, Ugovorni organ je, putem pošte, uputio ugovor izabranom ponuđaču na potpis, a koji je isti zaprimio dana 08.10.2020. godine.

Dana 26.10.2020. godine, izabrani ponuđač na e-mail Ugovornog organa dostavlja Pojašnjenje, u kojem obrazlaže da zbog situacije na tržištu, izazvane pandemijom korona virusa COVID 19, kao izabrani ponuđač u postupku javne nabavke računara i ostale opreme za potrebe Zeničko-dobojskog kantona, nije u mogućnosti isporučiti u predviđenim rokovima artikle iz ponude i tom prilikom ponudio zamjenske uređaje.

Izjašnjenjem, broj: 14-11-4-13232-15/20 od 28.10.2020. godine, Ugovorni organ je zatražio od izabranog ponuđača da se u najkraćem roku izjasni o tome da li prihvata ugovor koji je dostavljen ili odustaje od istog.

Dana 11.11.2020. godine, izabrani ponuđač se putem e-maila izjasnio da ne može prihvatiti ponudeni ugovor iz ranije navedenih razloga.

S obzirom da gore navedeno predstavlja okolnost koja je izvan kontrole Ugovornog organa, a koju nije mogao predvidjeti u vrijeme pokretanja postupka javne nabavke, odlučeno je kao u dispozitivu.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem Ugovornog organa, u roku od deset (10) dana od dana prijema Odluke.

Dostavljeno: 1 x TIME CODE d.o.o. Sarajevo

1 x tenderska dokumentacija



DIREKTOR

Miralem Redić
Miralem Redić